

O Estoupa

Verdade Entroideira ou mentira mentireira?

Que é o Estoupa?

O estoupa é un xogo de 56 tarxetas con diferentes personaxes do Entroido galego. Podemos atopar en total 7 familias de personaxes:

1. Choqueiras/os de A Coruña;
2. Merdeiros/as de Vigo;
3. Boteiras/os de Viana do Bolo;
4. O Oso de Salcedo;
5. A Pita Eiroás;
6. Troteiros/as de Bande;
7. Volantes de Chantada;

Importante! Podemos xogar ata catro persoas ou catro equipos (se somos cinco ou máis, podemos xogar en parellas ou tríos). Que ningún quede sen xogar!

Preparación do xogo

Barállanse todas as tarxetas e repártense 10 a cada xogadora. O resto das tarxetas quedan nunha torre no centro da mesa. Iremos collendo unha tarxeta nova cada vez que usemos unha da nosa man.

As nosas tarxetas podemos velas e poñelas en abanico, torre.... (como prefiramos) pero debemos intentar que non nolas vexa o resto.

Obxectivo do xogo

Procurar non “estoupar” e conseguir que estoupem antes as compañeiras.

Como se xoga?

Comézase o xogo no sentido das agullas do reloxo. Debemos elixir unha carta da nosa man (da familia que queiramos) ofrecerlla á persoa que xoga a nosa esquerda boca abaixo (sen que a vexa), e a continuación dicir a verdade ou unha mentira.... nos decidimos a estratexia!

Exemplo

Elixes unha carta do Oso de Salcedo (sen que ningún a vexa) e a continuación a ofreces boca abaixo e decides mentir:

Isto é da familia das choqueiras, verdade entroideira ou mentira mentireira?

Neste momento o xogador da túa esquerda ten que decidir se estás mentindo ou dicindo a verdade. Pode pensalo uns segundos.

Se acerta (neste caso se di que é mentira), líbrase da carta e quedas ti con ela. Se non acerta, queda el coa carta.

Estas cartas que se van xogando vanse poñendo na mesa, diante da persoa que as apande.

A xogadora que acumule tres cartas da mesma familia ou 7 de cada unha das familias, estoupa!

Fin do xogo

A primeira persoa que estoupe perde, pero continua xogando o resto até que só quede unha xogadora, parella ou trío gañador.

Sara Vieites Juanatey
(saravj1982@gmail.com)

Douaa Dghoughi
Zaid Dghoughi
Claudio Andreetti
Derin Mirás Cakir
Anás El Kho

Ano de creación do xogo: 2021

Exención de responsabilidade:

As persoas e/ou entidades anteriormente indicadas son as únicas responsables dos contidos gráficos e textuais deste xogo, asumindo a responsabilidade das posibles vulneracións de dereitos de imaxes, protección de datos, honor e intimidade ou calquera outro dereito propiedade dun terceiro que poida ser vulnerado cos contidos gráficos e textuais dos xogos presentados. Antaxurada SL e a Deputación da Coruña quedan indemnes de calquera responsabilidade que se desprenda destas posibles vulneracións.

Licenza:

Este xogo e todo o seu material asociado está distribuído baixo a licenza Atribución-Compartir igual 4.0 Internacional (CC BY-SA 4.0). Isto significa que: Es libre de copiar e redistribuír o material en calquera medio ou formato, así como de remesturar, transformar e recrear sobre este material para calquera propósito, incluso comercialmente, sempre que:

1. Respectes o dereito de autoría indicando o nome da persoa, persoas ou entidades creadoras. Se fixeches mudanzas sobre o material orixinal debes indicalo explicitamente, e adicionar o teu nome como autora da presente versión.
2. Se distribuíres este material ou calquera material derivado del, debes facelo baixo os termos desta mesma licenza para que outras persoas poidan gozar dos mesmos dereitos que ti. Este é un resumo coloquial dos termos legais da licenza, que podes consultar íntegra en <https://creativecommons.org/licenses/by-sa/4.0/deed.gl>